

“Улсын Сэтгэх чадварын XVII олимпиад”-ын I даваа зохион явуулах журам

Нэг. Эрхэм зорилго

Монгол хүүхдийн оюуны чадварыг бага наснаас нь хөгжүүлж, оюуны өндөр чадвартай сурагч, багачуудыг илрүүлэх, чадварыг нь баталгаажуулах, оюун ухааныг дээдлэн, дэмжин хөгжүүлэх үзэл санааг түгээн дэлгэрүүлэхэд олимпиадын зорилго оршино.

Хоёр. Олимпиадын зохион байгуулалт

1. Олимпиад нь 3 даваатай байх ба ЕБС-ийн II-XII ангийн сурагчид оролцоно. Сурагчид анги алгасан орж болно.

| Д/д | Олимпиадын даваа | Хуваарь | Зохион байгуулалт | Ангилал |
|-----|------------------|---|--|--|
| 1 | I даваа | ЕБС сургууль бүрт | ЕБС-ийн комисс зохион байгуулна | II-III, IV-V VI-VII, VIII-IX X-XI, XII Бүтээлч багш |
| 2 | II даваа | БСШУСЯ-аас баталсан хуваарийн дагуу Аймаг болон, нийслэлийн дүүрэг бүрт. | Аймгийн БГ, Дүүргийн БХ, ЕБС –ийн комисс | II-III, IV-V VI-VII, VIII-IX X-XI, XII Бүтээлч багш |
| 3 | III даваа | БСШУСЯ-аас баталсан хуваарийн дагуу төвлөрсөн байдлаар тухайн хуваарьт газар. | Олимпиадын хороо | X-XI XII Бүтээлч багш |

2. Аймаг, нийслэлийн дүүрэг бүрийн комиссыг Боловсрол газрын аргазүйч, IQ салбарын эрхлэгчийг оролцуулан 5-7 хүний бүрэлдэхүүнтэй байгуулна.
3. Олимпиадын II ба III давааны даалгаврыг олимпиад зохион байгуулах дэд хороо боловсруулж, нууцлалыг хадгална.

Гурав. Олимпиадыг дүгнэх

1. Олимпиадын I давааг тухайн сургуулийн захирлын тушаалаар байгуулагдсан комисс зохион явуулах бөгөөд олимпиадад бэлтгэх, ангилал бүрийн аварга сурагчийг шалгаруулан урамшуулах, ач холбогдол үр дүнг сурталчлах зэрэг ажлыг хийнэ.
2. Сургууль бүр дээр явагдах олимпиадын I даваа нь 6 ангилал бүрийн аварга сурагчийг шалгаруулж, II даваа буюу аймаг, дүүрэгт оролцох багийн гишүүдийг бүрдүүлнэ. Сургууль бүрээс II даваанд оролцох багийн ахлагч нь бүтээлч сэтгэлгээтэй багшаар шалгарсан IQ клубын эсвэл ММБА-ийн гишүүн багш байна.
3. Олимпиадын II даваа II-III, IV-V, VI-VII, VIII-IX, X-XI, XII гэсэн 6 ангиллаар аймаг, нийслэлийн дүүрэг бүрийн аварга сурагчийг шалгаруулах ба III даваанд X-XI, XII гэсэн ангилалд түрүүлсэн 2 сурагч, тэргүүн байранд шалгарсан нэг бүтээлч сэтгэлгээтэй багш оролцоно. III даваанд хувийн амжилтаар оролцуулахгүй.
4. Олимпиадын III даваанд оролцсон сурагчдаас ангилал тус бүрээс I байр нэг, II байр хоёр, III байр гурвыг тус тус шалгаруулж алт, мөнгө, хүрэл медаль, дурсгалын зүйлээр шагнана.
5. Олимпиадын III даваанд эхний 3 байр эзэлсэн төгсөх ангийн сурагч нь МУ-ын Засгийн газрын урамшууллын тэтгэлэгт (төлбөрийн 100% хөнгөлөлт) хамрагдана.

Утас: 11-324342, 9907-6010, 9009-9515

И-мэйл: duuriimaa@iqcenter.mn

БСШУСЯ-ны дэргэдэх Улсын Сэтгэх чадварын олимпиад
зохион байгуулах дэд хороо

"Бүтээлч багш" шалгаруулах журам

Нэг. Ерөнхий зүйл

Монгол хүүхдийн оюун сэтгэхүйг эрчимтэй хөгжүүлэн, эх орныхоо хөгжилд бодитой хувь нэмрээ оруулж буй, бүтээлч багшийг шалгаруулж, Улсын Сэтгэх чадварын олимпиадад оролцуулахад энэхүү журмыг баримтална.

Зорилго: Сурагч багачуудын сэтгэх чадварыг бие даасан хичээлээр хөгжүүлэхийн тулд "Оюуны хөгжил-IQ", "Сэтгэн бодохуй-TS", "Суралцах чадвар-LL" сургалтыг боловсронгуй болгон хүрээг нь өргөжүүлж, шинэ санаа, шинэ агуулгаар баяжуулж, түгээн дэлгэрүүлэхэд журмын гол зорилго оршино.

Шалгаруултанд "Оюуны хөгжил-IQ", "Сэтгэн бодохуй-TS", "Суралцах чадвар-LL" зэрэг хичээлүүдийг заадаг сургууль, цэцэрлэгийн багш нар болон салбарын ажилтнууд орно.

Хоёр. Шалгаруулалтын зохион байгуулалт

1. "Бүтээлч багш"-ийн шалгаруулалт нь 3 даваатай.
2. Шалгаруулалтын I давааг сургуулийн комисс зохион байгуулж, II даваанд аймаг, дүүрэгт оролцох нэг багшийг шалгаруулна.
3. Шалгаруулалтын II давааг аймаг, дүүргийн "Сэтгэх чадварын олимпиад"-ыг зохион байгуулах комисс зохион байгуулж, аймаг, нийслэлийн дүүрэг бүрээс нэг багшийг шалгаруулж, III даваанд оролцуулна.
4. "Бүтээлч багш"-ийн шалгаруулалтын I, II, III даваанд оролцож байгаа багш нар нь бүтээлийн үзэсгэлэн гаргана.

Гурав. Шалгаруулах ерөнхий шалгуур үзүүлэлтүүд

1. Багшлах ажлын өндөр ур чадвартай, "Оюуны хөгжил-IQ", "Сэтгэн бодохуй-TS", "Суралцах чадвар-LL" хичээлийг албан ёсоор, журмын дагуу, үр дүнтэй явуулж өөрийн гэсэн туршлагатай болсон байх
Энэ хэсэгт 0-4 оноо
2. Бүтээл нь оюун сэтгэлгээг бие даасан хичээлээр хөгжүүлэх буюу тусгай хичээл талаас нь авч үзсэн байдал
0-7 оноо
3. Бүтээлийн сургалтанд ашиглах боломж
0-4 оноо
4. Шинэ санаа, шинэлэг байдал
0-6 оноо
5. Сурагч багачууд, эцэг эх, сургууль, цэцэрлэгийн хамт олны сэтгэх чадварыг хөгжүүлэхэд түлхэц өгөхүйц тохилог орчин, анги кабинетыг бий болгосон, эсхүүл оюун сэтгэхүйг хөгжүүлэх хичээлийг заах шинэ технологи боловсруулан хэрэгжүүлж байгаа
0-6 оноо
6. а) Хамтын бүтээл, бичсэн, орчуулсан ном хэвлэл, б) хичээлд ашигладаг хэрэглэгдэхүүн, зүйлс, шавь нарынх нь бүтээл, в) судалгааны ажил, г) оюун ухааныг дээдлэх үзэл санаа, үйл ажиллагааг нийтэд түгээсэн
Дээрх 4-ийн аль нэгийг нь тооцож үзэх 0-5 оноо

Дөрөв. Дүгнэх журам

1. Шалгуур ерөнхий үзүүлэлтүүдийг сургууль, аймаг, дүүргийн хэмжээнд тохируулан нарийвчилж /найруулж/ шалгаруулалтыг явуулан аваргыг тодруулна.
2. III даваанд оролцож байгаа багш нарын тайлан үзэсгэлэнг "Улсын Сэтгэх чадварын олимпиад"-ыг зохион байгуулах комиссоос гадна үзсэн хүмүүсийн оноогоор шалгаруулж, I-III байр эзлүүлэн, Улсын Сэтгэх чадварын олимпиадын аварга, дэд аварга цол өргөмжилж, алт, мөнгө, хүрэл медаль, үнэ бүхий зүйлээр урамшуулж, туршлага, бүтээлч сэтгэлгээг нь түгээн дэлгэрүүлэх, алдаршуулах ажлыг хийнэ.
3. III даваанд багшийн шинэ санаа, шинэлэг бүтээлч байдлыг түлхүү харгалзан үзнэ.

Утас: 11-324342, 9907-6010, 90099515

И-мэйл: duuriimaa@iqcenter.mn

БСШУСЯ-ны дэргэдэх Улсын Сэтгэх чадварын олимпиад
зохион байгуулах дэд хороо